

Anpao Kin.

THE DAYBREAK.

"Wankantanhan Anpao kin hiyounhipi."—Luke i:78.

VOL. XII.

MADISON, S. D., JANUARY & FEBRUARY, 1896.

NO. 8, 9.

Taxunke-Kokipapi Ti Etanhan.

ANPAO KIN: Mitakola, pcelyela taku cajeblatin kta wacin. Ho, yunkan tipi-wakan unnicapi exa Koxka Omniciye wan unyucagapi ca heon unglaotaninpi kta uncinpi. Ho, yunkan wicaxa kin wartanisa heuncapi xka wana ekta un-kupi kin waniyetu ota Wakantanka zaniyan ni unkahipi, heon wopila tanka on unniksuyapi. Yunkan taku on unni-ksuyapi huwo? Ho, yunkan niyepi kin Wakantanka woksape nicupi, na sutaya nayajinpi, na woawacin tanka luhapi heon wocekiye on, na woawacin nitawa-pi on unyksuyapi uncinpi. Ho, hekta omaka kahanl omniciye kin unyuhapi, March 14, 1894, hetanhan toka rei omniciye kin icaga, na he-tanhan koxka wanjigji wicoran yuhapi, na lila tanyan xkanpi, wawokiya xkanpi. Ho, yun-kan letanhan omniciye kin api-kiyapi, Dec. 16, 1895, na he ehanl tona tokatakiya wi yam-ni oitancanpi kta ca wicayux-tanpi. Ho, hecel unconapila exax walitaga Wakantanka wowaxi ecaunkiconpi. Ho, eya mitakuyepi, le hekta wico-ran kin yuhapi exax el waun xni, tka Dec. 16, 1895, hehanl opeya waun yunkan hetanhan koxka wanjigji tanyan woawa-cin yuhapi awableza yunkan Wakantanka taku onspeunki-yapi kin iyece rei awancapi xni, nainx iyece rei unkigluha-pi xni tka okinix Wakantanka cin ebantanx onxiunlapi kin ounkiyapi kin woawacin wan-jigji okihi unpi kta ecanmi-Heon, mitakuyepi, wocekiye ehapi canna wocekiye on un-yeksuyapi nin unkecinpi. Ho, wana henala epin kta, ca AN-PAO KIN takolakupi iyuha cantewaxteya napeunniyuzapi. Nitakuyepi wanji wartanisa qon he miye,

JOHN CHARGING-ALONE.

Francis Arrow.

St. Mary's Tipi-wakan, Wakpa Ipakxan (Flandreau) ekta wicarca unpi qon wanji axkatudean te do. Francis Arrow eciyapi kin hee, unkan wana nina wicarca, waniyetu wikemna xakowin sanpa non-pa, ehan te. Wicaxta kin de tehan Okodakiciye Wakan ed un, qa wicayusutapi kin na-kun opa unkan ohinni toked okihi wakan cekiyapi ed i ece, qa Itancan Rtayetut Wotapi Tawa kin ko icu ecee, tuka waniyetu nonpa ecd wayazanka on tiya-ta owanjidan rpya hecedan okihi. He-ced un icunhan iwaxtedan sanm waxa-kexni aye ca Jan. 13, 1896, he ehan Jesus ed ixinna iyaya. Rev. W. J. Vanix, qa Rev. Mr. Pond, qa Koxka Itancan hed unpi kin, qa oyate etanhan wicota toked okihi kin tancan tawa kin yuonihan-yan rapi. Jan. 15, 1896, he ehan wicara-pi wocon kin tanye rcinecakiconpi.

St. Mark's Winyan Omniciye.

ANPAO KIN: Dec. 13, 1895, kin he el St. Mark's station el Winyan Omniciye kin oitancan piunkiyapi. Ho, lena wi ake nonpa hehanyan rtanipi kta on wi-caunglarnigapi, na lel Winyan Omniciye

kin, tipi-wakan unnicapi exa lila rtaun-nipi, na heon etan Winyan Omniciye yaunpi kin wocekiye ehapi canz unye-ksuyapi nin. Ho, nitakuyepi wanji he miye,

CLARA WANBLIKOYAKEWIN,
Secretary.

Tintawita Etanhan.

ANPAO KIN: Ito, taku toked oyakapi waxte kin he e miyecidaotanin kta wa-cin. Omaka de ed Christmas he ehan wicaxta-wakan wan nina uniksuyapi, qa nina tanyan xkanpi. Dakota kin ix icunhan wamnayanpi, qa wazi wan nina waxte opetonpi, qa nakun ed wotapi wan waxte kagapi, qa ed wicaxta wanjigji

Mary's.....	1.00
Yankton Agency, oyanke yamni...	3.00
Sisseton Agency, St. John Baptist.	1.00
Sisseton Agency, St. Mary's.....	1.00
Corn Creek District, Pine Ridge,	
Inestimable Gift.....	2.00
Corn Creek District, Mediator	
Chapel.....	1.00
Corn Creek District, Gethsemani..	1.00
Corn Creek District, Faith Station.	1.00
Corn Creek District, Hope Station.	.50
Crow Creek Agency, qa oadetka	
kin.....	4.00
Rosebud Agency, Holy Innocents..	1.00
Rosebud Agency, Mediator ...	1.00
Standing Rock Agency, St. Eliza-	

han apiiciyapi, yunkan oyanke iyuha B. C. U. unpi kinhan tamazaska womnaye-pi kin awanblake lo. Yunkan lecel awa-eanmi ye lo, nahan icantemaxice lo; wo-koyake wanji tanka wicaxa wanji ciqala un cana heyapisa, "Iye tawokoyake unpi xni se" eyapisa. Yunkan he e ca awa-canmi ye lo. Wicoran waxte na tanka wan makipi xni tka maqupe lo. Icin he wicoran kin owawiyutanye tanka kin e ye lo, lakax, mitakuyepi, niyepi kayex wacin okikpaniyayapi, na mazaska kin iniyutanpe lo. Wicaxa ksapapi henica-pe xe na wawahokonyakiyape xe wacin nitankapi xni ye lo, ca hehanl xe ikomi-ciye lo, wawakon xni ca imayutan ktесе lo. Tka, eya, Taku Wa-kan omakiya nin ecanmi ye lo.

Iho po, mitakolapi, blihe-iciya po; letanhan tokataki-ya tawacin suta unkicunpi kte lo, na sutaya naunjinpi kte lo, ca oitancan kinhan tanyar opiunkiciyapi kte lo. Hececa kinhan, omni-ciye kin sanpa waxte na iwaxakin kte lo; na hecel unkitakolakupi wanjigji ta-ku awacinpi xni unpi kin wanjigji el hiyupi kte lo, iyoyanpa wanyakapi kte lo. Ho, hehanl wana B. C. U. omniciye kinhan tokel taku ungluxtampi kin hena slol-yayapi kta wacin ye lo.

July 26, 1895, hehan oma-ka tawomnaye kin B. C. U. oaletka oyanke iyuha unpi kin yuwitaya woglakapi na lecel gluxtampi; oaletka kin iyuha mazaska ahipi kin okiseya on oiciyapi kta glu-xtampi. Lecel iwoglakapi na heon heconpi, wowaya-zan, nainx owakipa exa on oiciyapi kta cinpi na hecon-pi. Ho, hehan Standing Rock etanhan \$65.00 maqu-pi, tka hektakiya \$32.50 wi-cawecu; Santee Agency \$6.35 tka \$3.00 wicawecu; Corn Creek, Rosebud Agency, \$4.00 tka \$2.00 wi-cawecu; Crow Creek \$12.70 tka \$6.35 wicawecu; Cut Meat Creek, Rosebud Agency, \$10.00 tka \$5.00 wi-cawecu; Cheyenne River Agency \$40.00 tka \$20.00 wicawecu; Little White River, Rosebud Agency, \$10.00 tka \$5.00 wicawecu. Ho, wana July 26, 1895, om-niciye qonhan, oyanke iyu-ha etanhan owanjila ma-



wohdakapi, qa nina tanyan wohdakapi. Okodakiciye tawa nina hdatankapi, qa takatakiya ohniyan hduha yapi kta ke-yapi; qa ohni wocekiye econpi, heon ohni tanyan tokatakiya Wakantaanka waxagunyanpi, qa ounkiyapi qex epca, qa tona ANPAO KIN iyacupi kin ohni wocekiye on unyksuyapi qex epca wo-wapi kin de wakaga.

WM. T. HOFFMAN, JR.,
Taoyate Ota.

Inyan Ska Womnaye.

Cheyenne River Agency, Ascen-sion	\$1.00
Cheyenne River Agency, St. Luke's	1.00
Flandreau (Wakpa Ipakxan) St.	

beth's.....	1.30
Standing Rock Agency, St. John Baptist	1.00
Standing Rock Agency Good Shep-herd	1.00
Standing Rock Agency, St. Thomas	1.00
Standing Rock Agency, St. Luke's.	.70
Ataya	\$24.50

B. C. U. Woyuxtan Kin.

ANPAO KIN: Ito, mitakola, iyapi co-nala omiyecilakin kte lo. Eya, wicaxa waxte, nahan owotanla rei un kinhan hemaca xni, tka hekta omniciye tanka qon hehanl, July 26, 1895, hehantu yun-kan Brotherhood of Christian Unity kin-

zaska taninyan lenakeca maqupi \$148.05; tka omniciye lecel yuxtanpi, Rev. Mr. Ashley lenakeca qumaxipi \$15.00, hena Bishop tokel wowilagyin kta qupi. Hehan oaletka xakowinpi kin hektakiya lenakeca wicawecu \$73.85. Ho, hecel hetanhan lenakeca iyaye lo \$59.20. Ho, hehanl Mr. Homer Clark maquwicaxi kin lenakeca ye lo \$40.00, hena womna-ye tanila etanhan ye lo, ca miye lehanl awanblake cin ataya lenakeca \$99.20 ye lo. Ho, icazopi kin nahanrei maqupi xni ye lo. Ho, mitakolapi, lena mitawi-coran kin etanhan wagluotanin wacin na heon wowapi kin le cicagape lo. Tona Brotherhood of Christian Unity ANPAO KIN iyacupi kin nahan Okolaki-ciye Wakan oyapapi kin hena micante ataya on napeciyuzape lo. Nitakolapi qon he miye ye lo,

C. C. TACKETT,
Treasurer B. C. U.

ANPAO KIN.

ANPAO KIN wi iyohina, wiyawapi anpetu tokaheya eca, mazaakdirpeyapi. WI XAKPE on kapi, qa wi iyohina akezeptan (15) aokpani xni, ptayena partapi, wicacaje wanjina ekta hiyukiyaipi kta cinpi kinhan, icupi kin iyohina kaxpapi wangi (10c) on kajujuupi kta. WI XAKPE on kapi, qa wi iyohina wanjina icupi kta cinpi kin, kaxpapi wangi sanu okise (15c) on kajujuupi kta. Icupi xni itokab kajujuupi kta. Wowapi askabyapi mazaxana wangi qaix nonpa owapi kin, mazaska eekiya, on ANPAO KIN opeton okunpi kta. Opetonpi kta wowapi hiyukiyaipi qaix ed taku oyakapi kta cinpi qa hiyukiyaipi ca, wowapi ojula akand deced owapi kta:—Rev. W. J. Cleveland, Madison, S. D.

Yawaxteya Cajeyatapi Wowapi Wan.

ANPAO KIN icikoyagunyanpi qa wicoran waxte ecan iyoonpaxtakapi kta wookihi yula. Okodakiye-wakan opati tka abeeya tipi kin, hena iyotan taokiye waxte heca kta. Bixop waun kin eciyatanhan, taku ecanon onxapxa oyakapi qa taku bdiotanin kta wacin kin hena owasin, qa Tipiwa-kan iyaia-omawani woyakapi kin hena, qa nakun Okodakiye-wakan kin wotani tawa toktokeca ed kagapi kta. Oyate unkitawapi kin owasin ANPAO KIN icupi qa sanu wicaxa toktokeca wicagupi nin ecanmi. W. H. HARE, Yewicaxipi Bixop.

Wotanin-waxte Ayapi On W eekiye

Anpetu iyohi wicokaya he cin ehan heyapi kta: Waniikiya waxte isto wacantkiya mitawa kdu-gad, canicipawega akan otkeyahan yaun tka qon, maka akan wicaxa unpi kin owasin Niye ekta etonwanpi qa niwicayapi nunwe. Amen.

Winyan Omniciye oekde onspeiciyapi kte cin he de:

“Taku ecanonpi kinhan, wicoie qa wicoran kin unma tukte kaxa, Jesus Itancan kin caje on owasin ecan po.” Kolosse, 3; 17.

Okolakiciye Wakan Woyaka Tawa Aoptelya Kagapi.

WICOWOYAKE XIII.

Omniciye tanka kin icunhan Wicacaje tanka atanin kin.

Ambrose-Chrysostom Augustine-Cy-ril-Leo-Jerome-Anthony. Omaka, A. D. 325 Anthony.

345 Jerome.

374 Ambrose.

395 Augustine.

197 Chrysos' om.

412 Cyril.

464 Leo.

Omaka opawinge yamni oxpaye kin akta euntowanpi na he icunhan wicacaje tanka yanke cin he wanunyakapi iyececa. Hunr Bishop hececap na tuwa Okolakiciye towaxake iyopteyekiyapi, na hunr Okolakiciye toran kin yuataninpi, na hunr wicoran waxte icayapi kta wacantkiyapi na wakanyan nipi kta ca omniciye (okolakiciye) kagapi

Ambrose he Milan el Bishop heca. Le wicoran yuba kte con oyate karnigapi A. D. 374, waniyetu 35 he ehan, na wicoran kin he A. D. 390 hehanyan gluha. Toran kin on wicayunwaxaka, na tawowapi eciyatanhan wicota, omaka oyasin, waonspewicakiya. Theodosius toyate etanhan wicaxa ktepi kta iyowinwicakiye con, tohanyan on iyopeciye xni hehanyan Tipi Wakan timahel yin kta anapte con, on tobliheca, na woowotanla akita kin he tanin. Ohanketa wicaxayatapi kin he iyowiniciya na iyo peiciya rca Wakantanka te kin el hi.

Ambrose Te Deum (O Wakantanka unniyatampi) kin he owa kecinpi, na Okolakiciye talowan na oahiyaye kin, Gregonian eciyapi kin hena ahiyaye wicaxi na hena ehanna Juda Okolakiciye el, David taanpetu qon unpi kin akiyececa hunr kecinpi.

Chrysostom he wowahokonkiye iyotan tanka na ie wayapike cin on “mazaskazi i kin” eya cajiyatapi. Constantinople el A. D. 397 hehan Bishop kagapi, waniyetu wikcemna zaptan he ehan.

Hetanhan woyakapi kin lila tanka na onaron oiyoiki. Waniyetu ota, anpetu iyohi Tipi Wakan tawa el wahokonwicakiye na icunhan oyate lila oparta anagoptan yankapie ece.

Tuktektel woartani kipajinyan ie cin on xicaya kuwapi, tka wokokipe wangi etanhan icupi can, hecetowanjica wali-tagya eye sa. Wowapi ota kaga, tka iyotan Wowapi Wakan on yuieska wowowapi kaga Iye tawocekiye wan lehan wocekiye wowapi kin el unqonpi ecee.

Augustine A. D. 354 hehan tonp: A. D. 395 Hippo, Africa el Bishop kagapi, na A. D. 430 hehan ta.

He wiyukan wayupike rca, na hehan-tanhan tawiyukan kin Wakantanka on woonspe kin he yuwaxaka. Wowapi lila ota kaga. Wowapi Wakan yuieska

on, wowahokonkiye, na woonspe rca on. Wowapi tawa etanhan nonpa lila atanin kin he “Tawoglake kin” na “Wakantanka totowe kin.”

Cyril, he Alexandria el A. D. 412 Bishop heca. Ieunhan wicaxa ohitikapi teriya xkanpi na woonspe toktokeca icagapi icunhan, Bishop kin le bliheca na akicita se opiiciye.

Leo iyotan tanka kin he waniyetu wikcemna nom isanpa Rome el Bishop un. Taku wangi on lila kiksuyapi, “Wakiconzapi on” tawowapi kin he. Lehan collect (Anpetu Wakan tawocekiye) unyuhapi kin ota iye tawowapi kin etanhan, iye wocekiye kin hena otokahetanhan yuhapi na pahi ce eyapi.

Jerome, Roma iapi kin el wowapi kagapi kin iyotan waonspe rca. A. D. 345 he ehan tonpi, na waniyetu wikcemna xakowin sanpa xaglogon qon hehan ta,

Tehan Bethlehem el ounye, na taku iyotan kuwa kin he Wowapi Wakan woonspe kin na yuieska kta hee. Lehan Roman Oolakiciye (Xina Sapa) Latin iapi kin ogna Wowapi Wakan unpi kin, he iye ieska kage con hee.

Toni ataya iyopeciye rca un ece Anthony he tanxna unpi okolakiciya pi kin tokar wicakage cin he iye. Ohakab wicaxa tokoca toeecon ogna xkan icilapi tka aokpanipi, na Anthony takuku yuxna exa, unkiye awaunkicini kte cin lee. Wakanyan ni un, cantokpani rca, na taanpetu el woxica yuke cin hetanhan najice kta cin rca.

Iye, na kicuwa kin, nape on waiglamnapi, na warpanicapi kin onxiwicalapi.

Nice el Omniciye kin Anthony, takolaku. Athanasius kici opa, na tawiyukan kin on Arian woonspe kin anapta.

Sam cajewicunyatapi kte xni. Tona cajeyunyatapi kin iyayustag cajeyalpica lila otapi.

Hena tokel xkarp na Okolakiciye wicoran el iyowasiciyapi qon slolunyanpi kte cinhan iyohila on yafinsya waunya-wapi kta iyececa.

Hena awauncinpi eca le anpetu woonspe unyuhapi kin on wicunyasupi kte xni, tka niunpi qon wicoran qon he eciyatanhan he uniksuyapi kta, hececa exa wanjigji lila tankapi na omaka watohan nipi exa wicaxa wankantuya heca kecanwicakini kta.

WICOWOYAKE XIV.

Omniciye icixakpe kin etanhan yukinukan hehanyan oxpaye kin.

Europe ixtinma—Saracens kin—Papal (Xina-sapa) wowaxake—Tanxna unpi obe-Feudal wicoran—Yukinukanpi. A. D. 711 Saracen Spain el unpi.

A. D. 768-814. Chrelemagne wicaxayatapi.

A. D. 871-901 Alfred tanka kin Eng-land etanhan.

A. D. 1054 Okolakiciye kiyuxpapi, Lehan Okolakiciye Wakan woyake awauncinpi kte cin A. D. 680 etanhan A. D. 1054 hehanyan oxpaye kin he, na omaka ehake kin el Okolakiciye kin owe nonpakiya yurlecap. Taku wanunyakapi kte cin he owanyag waxte xni, maka awacinpi na ektaxniyan wicalapi kin ota.

Waniyetu wangi lila osni na iyokixica rca he iyececa.

Wowicala wowicake akagapi na owancaya se iyaye, na otokahe wowicake, woohola ko akarpapi kin, lehan itehan unyankapi exa akigle oyag terike se.

Eya, tuktektel, oyanke iyohila el wanjigji Wopekiron kin yuonibanyan, wakanyan, waxtelakeya oholapi, otokahe-tanhan lehanyan hececa. Na wowicala yuicagapi kta hunr lila blihecap he slolunyanpi, lakax le oxpaye icunhan tuktel nabanr wotanin waxte yuhapi xni he wicalahipi. Tka waniyetu opawinge topa kin le el maka kin ota rbapi. Eya ecer ixtimapi xni, wokiconze tanin-ya kin wiconi waxaka tawa iyayustag xpahinrpayin kta seca—wiyohiyanpata Saracen kin on patag yunka—na tehan feudal wicoran, caga nape kin, taku oyasin iyooptin kta aka oyuspa.

Taku tehan awauncinpi kte cin lila ce;

Saracens ob akinicapi kin; papal (Xina-sapa) towaxake yutankapi; tanxna unpi kta owe icagapi; na feudal wicoran icage cin.

SARACEN KIN.

Saracen kin hena Mohammed tawoon-spe kin he, wicalapi. Ozuye oxpaye waxake rca, na wowicala tawapi kin he maka ataya kin, miwakan tawapi kin on wicalawicayapi kta cinpi. Lila blihecap na waonxilapi xni. Woohiye wangi ohiyapi kinhan nakun wangi kuwapi. Taku oyasin naxujapi na ihangyapi kta cantokpanipi, na takuni wicayuwawala okihi xni. Iwicasanpa wicaxa ota kin ecela anawicapta okihi.

Wiyorpeyatnahan, wiyohiyanpata yapi, na otonwetanka ciscina ko tona ihangyapi kin, el wapaha tawapi eglepi, na ohanketa A. D. 672 qon, Constantinople otonwe kin tiunnaptan hinajinpi. Lel itkowicakipapi exa waniyetu zaptan wokicize econpi. Wanna otonwe kin etanhan iglamnapi, na taobe kin Africa Waziyata ohute el yewicayapi, na Christian Tipi-wakan yujujupi el mosque (owacekiye) tawapi icagapi. Syria etanhan Medeterranean ble kin ohuta icagla makaiyutapi 2000 hehanyan tawayapi.

Cisciyela okirpayapi na hehan Europe acakxin hipi, Spain opta yapi na France el hipi, na hehan Europe cokaya etkiya yapi. Maka ataya tawapi kta ihanmnapi qon wanna ecetu kta cinpi.

Tka Europe iglarica. Taku kapi qon wanna oniglutinziapi. Sanm yapi kinhan, Christian wicoran kin jujuwahin kta, na Mohammed wowicala kin he maka ataya iyayin kta. Tka Wakantanka Taokolakiciye yuataninxni erpeyapi kta iyowinye xni. Okolakiciye wokokipe el un kin he okiyin kta ca, Pepin cinhintku, Charles, Mazaipe cin he najinkiyapi. A. D. 752 Tours el wokicize tanka econpi Franks na German ptayela Saracen ikipajinyan. Saracens etanhan 300,000 hinrpayapi. Ecer anawicaptapi na Mahomed wicoran kin kektakiya karol iyeeyapi.

PAPAL (XINA-SAPA) WOWAXAKE KIN.

Okolakiciye taanpetu tokaheya el, Jerusalem otonwe kin Bishop oyanke itancan kin on yuonihanpi, tka Rome otonwe kin he tanka kin on, ocib Bishop el unpi kin he wicayunihanpi qeyax Bishop unmapi kin on wowaxake takuni wicagupi xni. Omaka sanpa kin, Rome wokiconze kin Christian icagapi icunhan, Rome otonwe el Bishop kin hena sanm woyuonihan kamnapi, na iyayustag woohiki rca na takuku tawa iglawapi.

Constantinople otonwe kagapi qonhan, Bishop el un kin he “Owancaya Bishop” eciyapi exa unmapi kin iwan-kab wowaxake taku yuha xni. Roma Bishop kin hena ix eya yuonihanpi exa otokaheya woyuonihan ikeca heca. Omaka opawinge icixakpe na icixakowin icunhan, Constantinople Bishop un kin, na Rome el un kin, unima tukte Bishop Itancan un kte cin kici-akinicapi. Ohakab woyuba kamna, na Italy el maka Rome Bishop kin woyuha tawa ekijupi kin, ho nakex maka itancan wangi na Okolakiciye itancan ko iglaw. Tohan-yan iapi ecela on hecel iglaw kin tu wena lila etonwan xni; tka sanm makata woyuba on waxag aye cin icunhan, Bishop hunr waxake xni najinpi, na tona wowinihan glamnapi kte rein hena, hecetuwicakilapi.

Le oxpaye awauncinpi kin he Roma Bishop kin lila wijica ayapi, na agna maka itancanpi icagapi; nahan woawacin ekta xni, na woslolye xni ko icage cin icunhan, tanka icilapi kin he iyayustag yuicagapi. Wocajeyata wan “The Pope” eyapi wanna Xina Sapa Itancan ixnala he cajeyatapi, tka itokab Bishop totokeca ogna cajewicayatapi kta qon. Takuku on woxice icage con, tka le Roma Bishop kin wowaxake na wookinihan icupi kin on he etanhan woxice lila icarya. Ecinxniyan wiyukanpi yuicage na wicaxa wowicala wicakapi xni el kaxka wicayuhapi.

Anpetu kin lena ohakab Pope kin, maka wicaxayatapi kin hena watexlag-wicayin kta ece, oyate iyuba wicoran

tawapi econwicakiyin kte rein, na wicaxa oyasin taku ikeca kin on na woniya kin on, iye isanpa oholapi kta kitan rca,

Winyan Omniciye.

ROSEBUD AGENCY, S. D., Jan. 2, 1896.

Dakota Winyan Omniciye Oyasin Kin On—

“Wowaonsila, wookiye ko, Wakan-tanka Ateunyanpi, na Jesus Christ Itancan kin etanhan niyepi el nicipi un nunwe.”

Mitakuyepi: Anpetu kin le ciksuyapi na wowapi cicagapi kta wacin ye. Jesus Itancan kin el wanixakapi, na iye towaxake wicookihi kin on wicoran waxte oyasin yakuwapi na blihed ecanonpi kta, heon wowapi kin le cicagapi kta.

Wanna Omaka, 1895, unkihunipi na Wakantanka omaka teca unqupi: hekta Iye nape kin yusunyanpi anpetu lehan-tu, na towaonxila na tocantekiya uniksuyapi kta iyececa ye. Hekta tuktektel taku econkupi eyecece cin hena econkupi xni, na taku econkupi iyececa xni kin hena econkunpi, ijehan unyuxnapi, Wakantanka toie unakikiktonjapi, heon Mitakuyepi tuwe oyasin igluccanpi kta iyececa, na taku xica oyasin econpi kin, wicoie na wicoran; unma tukte kaxa iyopeciye kta, na Wakantanka nape waxake cin ihukuya onxiranpi kta, na tokata Itancan tawookiye kin on taku oyasin tanyan econpi kta iciconzapi kta iyececa. Heceel Wakantanka onkiyapi kta na tanyan onspeunkiyapi kta uncinpi. Heon Jesus toie yeksuyapi kta wacin ye; hecel eya, “Mioie kin ohinniyan oyapapi kinhan, awicakehan, waonspewicawakiye cin he niyepi kta.” Tohan winyan omniciye mnicayapi kinhan Wowapirwakan onspe-niciyapi kta iyececa, hecanorpi hecinhan Itancan Jesus tokel tawacin slolyayapi kta na Iye taku iyokipi he ecela ecanonpi kta. Wanna waniyetu kekto-pawinge nonpa ikiyela hehanyan, Jesus Wanikiye unkitawapi kin igluhukuya na wicaxa iyecel iglus icaga, na wiconte ekta canicipawega el te cin he ehan. Heceel Jesus unkiyepi on wicon-erpekiya na anpetu icyamni gehan Jesus te cin etanhan kini na marpiya ekta kigla, tka, “Ake wau kta ce,” eya. Anpetu na mazaxkanxkan oape kin tukte wangi el slolunyanpi xni, ake wowan yuha, nipi na tapi kin hena nupin wicayasu u kta; he uniksuyapi na awauncinpi kta iyececa, na Jesus toie kin lena anayagothanps kta wacin; “Tohan wagli xni hehanyan un po.” Wacinyanpi on, Wicoran waxte oyasin kin el, na Wocekiye on wakta yaunpi kta, hecel tohan Iye iglutani kinhan wacinniyanpi kta, na taninyan hinajin Linhan itokab initecapi kte xni.

Omaka teca kin le el Winyan omniciye oyasin Wowaxake etanhan Wowaxake ekta yapi kta wacin ye. Mitakuyepi; niyepi tona Omniciye tanka ekta yaipi, Kulwicaxa tipi kin el, na Bishop tawowapi nicupi kin nayaropni na taku wangi on mazaska yakamnapi kta nixipi kin he slolyayapi; tka tona naronpi xni, niyepi on Bishop tawowapi onxpa cicupi kta, na winyan omniciye oyasin wicoran waxte kin le opapi kta; na tokel okihi, cante waxte on mazaska wamnayanpi kta iyececa. Bishop wowapi nieupi qon he el hecel eya; “Niye nicinkixipi kin etanhan wicaxa wacinyepica heca wanjigji Dakota egna wicoie on, wiconi kin na wocekiye kin el yus awicayapi kta cin. ‘Heceel tuwe okpaza etanhan, Iye iyoyanpa wakan tawa kin el nicopi kin he oran waxte kin oyakapi kta.’ Tokel he blucetu kte rein slolyayapi wicaxa-wakan waxtepi kin lena on owicakiyapi kta e oyate kin sanpa tankaya mnawicakiciyapi kta iyececa xni he?” Wicoran kin le, Dakota wicaxa-wakan tawomnaye kin hee, winyan omniciye apa wicoran kin le el taku econpi xni, tka apa lila tanyan econpi. Horboju makoce kin ekta iyotan tanyan econpi; Winyan omniciye oyasin iyecer econpi hecinhan, Bishop unkitawapi

cantewaxteyakiyapi kta, na Jesus Wanikiya waxtenicilakapi kin iyokipi kta na niyawaxtepi kta. Nakun mitaku yepi, wicoran tokeca ecanonpi kta cinpi. Hekta October wi, he ehan Minneapolis otowe tanka wan kin el, owancaya etanhan mniciyapi, na lila wicota opapi na winyan mazaska opawinge ota mnanpi, he eciyatanhan ANPAO KIN el lawapi naceca. Mazaska kamrapi kin on Bishop teca wan Alaska makoce kin on karnigapi na wicoran waxte kin le el owicayakiyapi na tanyan ecanonpi keyapi, na tokata taku wanji on owicayakiyapi kta cinpi. Africa, (Ha-sapa) makoce kin ekta wayawa tipi nonpa kagapi kta cinpi, wakanheja wicota opapi cinpi tka wayawa tipi conala yuhapi na wicota on okan xni, hecel kohanna tipi tanka kagapi kta lila cinpi, na wicoran waxte kin le on owicayakiyapi kta yacinpi slolwaya. Tohan mazaska wamnayayapi kta, kohanna wicaxa-wakan nitawa wicayaqupi kta na to-na luhapi he omakiyakapi kta na tokata Omniciye tanka (Convocation) ekta blaotanin kta. Taku oyasin ecanonpi, Jesus eciyatanhan kinhan, he Iye kiksuyin kta na aniktonjapi kte xni ce. O, mitakuyepi kikta yaunpi kta ye! "Iyoyanpa nitawa wanna u!" "Iho, okpaza maka kin akarpe, na okpaza xoka oyate kin axicakarpe," na wicota Jesus Wanikiya slolyapi xni, naharci tuwe tanyan onsewicakiyapi xni, heon tona Jesus slolyapi na Wakantanka Iyoyanpa tawa kin el manipi kin hena owicakiyapi kta iyececa. "Na taku ecanonpi kinhan, wicoie na wicoran kin unma tukte kaxa, Jesus Itancan caje on oyasin econ po"

"Na he le icewakiye, waxteyalakapi kin he woslolye wiyucanpi ko oyasin el sanpa na sanpa tankaya ayin kta; kinhan, taku waxte kin hena ilukcanpi kta, hecel okonwanjila ricahe xni yaunpi kta, Christ anpetu tawa kin el; na wicoowotanla waskuyeca kin on ojula yaunpi nunwe, hena Jesus Christ on Wakantanka woyatan na wowitan tawa kin ee."

"Jesus Christ tawoctanin waxte kin eciyatanhan yanipi nunwe; hecen wanciya-kapi wau kinhan nainx wau xni, unma tukte kaxa nioranpi kin nawaron kta, wicotawacin wanjila el sutaya yaunpi na wicanagi wanjila yuha wotanin waxte kin wacinyan oyecipapi kin."

Napeciyuzapi, nitakuyewanji,

J. B. DICKSON.

P. S.—Wowapi kin le, winyan omniciye oyasin kin el ijehan yawapi kta wacin, hecel winyan otioyohi naronpi kta.

J. B. D.

Joseph Ofoet.

ANPAO KIN: Ito lehanl taku oyag cixi kte lo. Lecala oyanke kin le el koxkala wanji waxte unkitapi; Mr. Joseph Ofoet hee. Koxkala kin le St. Andrew's Sunkakiciyapi okolakiciye kin toka iwanyakapi na kuwapi kin wanji hee. Nahan oyanke kin le el okolakiciye kin he ogna waniyetu tona yuhapi kin hehantanhan wotancan wicoran yuha xkan. Yunkan hekta wana waniyetu nonpa hehan wayazan na hunke xni exa he tokekiye xni wicoran tona St. Andrew Omniciye iyowaja kin hena tanyan yuxtan wacin xkan, Yunkan le ptanyetu wana woyazan tawa kin on

lila kul ya. Anpetu wan el takolaku wicakico, cankelaka itehanhan unpi exa tokel okihi ekta ai na wana kici tanye rei wacekiya igluxtanpi, yunkan wana taku on wicakico kin oglakin kta ca okxan iyotankapi. Hehan heya; "Eya, mitakolapi, wanciya-kapi lila wacin na cicopi, yunkan tanyan yahipi kin ican-temawaxte ye lo. Yunkan taku rei epin kta wacin kin heon. tokaheya kin, Koxkalaka Omniciye ciqala wan unyuhapi kin le icagin na oyate ohan taku wanjigji yuxtan na oyate wanyakapi kta wacin, tka hehehe! wana miye owakihi kte xni kin on, ito, kolapila, blihe-iciyapi na aya po, tokel oyakihipi." Hehan inonpa kin; "Makoce kin le el unqonpi kte rei, na lila woiyotiyekiye ota unkakipapi, exa wacintanka unqonpi ecel wana unkiye ohiunyanpi; hecel heon wokiksuye wanji econqonpi kta wacin, tka nakun owakihi kte xni heon,

ehan kolaunyanpi waxte kin irpeya unkiyayapi. Na November 22, ehan wana wicarapi econpi kte ceyax ecanl lila osni, oiyoixicala rake qeyax wicaxa, winyan koxkala na wikoxkala tona wowaxtelake on cantiheyapi kin kenx oyasin ekta ai. Nahan wicatan ee na titakuye waxte-xtepi gluha yankapi na ceyahanpi, ca okxan ai kin tokel okihiwi wicakikcanptapi. Na hetanhan makorloka tawa ekta unkaipi, na koxka wan ecax nise waxteunkilapi mablu unkakatapi. Ciyounpanpi wan, Rev. Mr. Walker, wicarapi wocon kin kena oyasin ecel econ. Wana taku oyasin igluxtanpi yunkan hena oyasin koxkalaka waxte kin he gluxnapi lakax lila wicaceye larcake, qeyax unkiye tona kici St. Andrew Omniciye el ounpapi kin iyotan lila ungluxnape lo. Yunkan hel wicaceye cin na ron nawajin kin, hunr lecel eya ceyapi, "Teunrilapi qon tuwa wacinwayin kta

yunkan maka akanl wicoran nonp caje-unyatapi sa; unma taku xica unkeyapi sa, na unma taku waxte eya cajeunyatapi. Iho, le unma tukte cinpica he? Taku xica kin he e sel? Hiya, wan qeya taku waxte Wakantanka woope unqupi kin hena e ca awauncinpi kta tka ye lo. Iho, mitakuyepi, Lakota kin, maka akanl wotancin wan yanke unqupi qon unkiyepi xni se wicoran hecela waxte kin eca unkokihiye lo. Icin, Wakantanka wicaxa ekta etonwe xnilakax wana Lakota rea wanjigji wacekiye wicaxa unpi ca wanwicunglakape lo. Yunkan hena taku tokonpi kta huwo? Taku waxte on taku xica kipajin tounkicicahapi kte ecanmi ye lo. Yunkan woope waxte kin weksuya; Hdinapapi wicowoyake 17; 11-13 kin hehanyan. Hecele eya; "Unkan tohan Mowis nape kin wankantuya glugate hehanyan Israel ohiya, na tohan nape ozikiya ca Amaleqi

ohiya. Unkan Mowis nape kin tke heon inyan wan icupi, na ihukuya egnakapi; unkan he akan iyotanka; hehan Aaron Hur kici nape el yuzapi, unma etapatanhan, na unma catkatanhan; hecel nape kin patin anpetu wi kin iyaya, hehanyan. Unkan Joxuwa tacanrpi hi kin on Amaleqi, na taoyate wicakayunka."

Iho, mitakuyepi, lel weksuya yunkan Egupton etanhan Wakantanka taoyate kin Mowis makoce opta waniyetu wicemna topa wicayuha mani, na oyate wanji tokiyatarhan ahi wicakizapi can akagan najin can taoyate kin ohiyapi, na isto staka can koxkalaka nonm naxna isto kin pawankal yuzapi ca le wanunyakapi huwo, mitakuyepi? Unkix eya wiconi ptecela yuha maunnipi kin lel opta he iyecel mani unkutapi kta waxte. Icin, unkiyex wakanxica towaxake kin anpetu iyohi se unkizahanpi eanna wacekiye wicaxa wicunyahapi kin Anpetu-wakan iyohi Wakantanka toie waxte kin on akaganyela najinpi naxna wakanxica toiyutanye kin yamakalkal irpeyapi. Iho, hecel, ito inyan wan isto kin ipatan ewicunglepi kta, yunkan he mazaska kin e kta, koxkalaka nonp el isto wapa wakanl najinpi kte cin hena ito oyanke ecel. Tipi-wakan hiyeye cin ecel Lakota wacekiye wicaxa wan unma-wicakiye etan unpi kta yunkan hena Aaron Hur e iyececapi kta. Nakun he iyececa hunkayapi unpi kin, na wawokiya yaunpi kta na hecel isto stakapi kte xni. Na nakun he iyececa, mita. kuyepi, wacekiye wicaxa yaunpi kin, na oyate el wi-

caxa itancan unpi kin ob kolakiciya na okiciya yaunpi nin, Mowis Joxuwa kici okiciya kin iyecel. Icin, Joxuwa oyate el wicaxa itancanpi kin heca, na Mowis inx marpiya wokiconze etanhan, yunkan nupin okiciyapi na waxagya manipi ca le wanunyakapi huwo? Iho, mitakuyepi, wowapi kin le wacekiye wicaxa yaunpi kin akta rein tanye rein olakapi kta wacin. Iho, hecet; eya, toker cin owacekiye el waxagya waun xni, tka tokel owakihila hecel waunla. Iho, wana henala epin kta; tona le wanlakapi kin iyuxkinyan napeciyuzape lo. Nitakuyepi wanji he miye,

CHARLES CETAN-KAWINGE, Pine Ridge Agency, Medicine Root Creek, S. D.

Marpiyata-Kigla.

To the Anpao: One of our dearest and beloved brother, Adolph Cuny, was called home in heaven on January 10, 1896. "Asleep in Jesus, blessed sleep."

HERBERT BISSONETTE, St. Phillips Chapel, Jan. 15, 1896.



ito, ptewaniyanpi tob heon yakuwapi kta e Tipi-wakan tokapa kin waqu we lo. Hecele iwanlakapi kte lo," eya. Hecele kolawicaye cin wana he iwanyakapi; yunkan lecel iwanyake kagapi Tokaheya, oyanke el Tipi-wakan tokapa kin wanagi tipi tawa el inyan wokiksuye wanji tanka eglepi kta. Inonpa kin, oyanke el Tipi-wakan tokapa kin catku el aojananglepi waxte he cin itahanog ikeceka nonb he cin hel ogna aojananglepi waxte etan he on eglepi kta. Iho, woiwanyake kin lenaos kagapi qeyax nupin akiyenakelkecepi canke iye kicupi, tukte unma hecetula kin he ogna kta keyapi. Yunkan Tipi-wakan tokapa el aojananglepi kta iwanyakapi kin he ogna iyokipi keya; cankelaka he ogna kta gluxtanpi. Hecele tohanyankel kici elna ounyanpi ake abeya kiglap. Hetanhan iyececa rei, November 24, 1895,

huwe?" titakuye kin eya ceyapi. Yunkan mix eya hecanmi, hehehe! Omniciye unkitawapi el tuwa wacinunyanpi kta huwo? Akex hecanmi, eya, tokerci teunrilapi exa isanpa Wakantanka kici tekicirilapi e wana kici ounyin kta iya ye lo. Hecele, ito, teunrilapi hecin wicoran tokel kuwa na oxkiniciye cin ogna yeunwacinpi kta unkuwapi kta iyecetu.

BEN BRAVE. (Ohitika.)

Lower Brule Agency, S. D., December 22, 1895.

Wicaxa-Wakan Owicakiyapi.

ANPAO KIN: Mitakola, ito, lehanl taku wanji awacanmi caowaglak kin kta wacin. Eya, tohanni slolmayaye xni exa taku wanji ociciyake cin iyuxkinyan miyecilatnin kta walake, heon ikope xni wogwaglak kin kta wacin.

Iho, mitakuyepi, Lakota wacekiye wicaxa unpi kin eca awacinwica manke,

Christian Oranpi.
WOONSPE XIII.

WOONSPE WICOIE—WAKAGAPI.

Oekde.—“Hokxiyopa cikciscinpin, ta-
ku wakagapi kin itehan ikduha po.”
I St. John 5; 21.

W. Woahope inonpa onxpa tokaheya
kin eya wo.

A. Wakagapi wanjina nicicagin kte
xni, nakun wankand marpiya ekta, qa
ihukuya maka kin ed, qa maka kin
ordateya mini kin mahed, taku hiyeye
cin, wanjina oyakagin kte xni. Wicito-
kab wicayakipatuje, ca cewicayakiyin
kte xni.

W. “Taku wakagapi” eyapi kin he
on toked kapi he?

A. Can, qaix inyan, qaix taku tokeca
exa etanhan takuke ceyax ouncage tawa
kin akiyececa wanj kagapi.

W. “Taku hiyeye cin, wanjina oya-
kagin kte xni” eyapi kin he on toked
kapi he?

A. Takuku iteowapi unkagapi kte
xni.

W. Hokxin-kagapi yuha xkatapi kta
e, qaix iteowapi ikce wanyakapi kta e
on kagapi kinhan hena wicoran xica he?

A. Hiya.

W. Wicoran xice cin he tukte e he?

A. Hokxin-kagapi qaix iteowapi exa
itokab kipatujapi kta e, qaix ohodapi
kta e on kagapi.

W. Taku okagapi ohodapi kta e on
kagapi kin hena toked eciyapi he?

A. Wakagapi.

W. Wankand marpiya ekta hiyeye
cin, qa hena okagapi qaix iteowapi ka-
gapi kta okihi pica kin hena tona ee he?

A. Oknikde-wakanpi kin, qa anpetu
wi, qa hanhepi wi, qa wicanrpi kin.

W. Ihukuya maka kin ed tona ee
he?

A. Wicaxa qa wamakaxkan.

W. Maka kin ordateya, mini kin
mahed tona ee he?

A. Hogan.



Iteowapi wan ded kagapi kin he wa-
kagapi iteowapi heca. Ehanna oyate
wan tanka tka onxikapi, qa Tuwe Ixna-
na Wakantanka wicakapi kin He on
sduyapi xni, unkan hena wakagapi kin
de itokab canpexka makakde inajinpi
qa ohodapi tka qon. Oyate tona waka-
gapi ohodapisa kin, hunr kaked okna
wakagapi icicagapi ece: tukted canxoka
kin can wekna iyayapi qa can wanj
tanka kawankapi, qa hetanhan adetka
kin hunr on cetipi, kadiciyapi kta e he
on. Hehan ake hetanhan adetka ka-
ksapi qa on aguyapi qaix tado xpanyan-
pi. Qa can wan heced wowidagayapi exa
hee rca etanhan ake onxpa icupi qa on
wakagapi owanyag xica wan icicagapi
qa he itolab makata erpeiciyapi, qa
awanwicayin kta e icekiyapi, qa iaku
wouyuha iyotan teridapi kin etanhanhan
qupi. Eya, Wowapi Wakan kin ed he on
sanpa niciyawapi kta naceca. He voya-
kapi kin Isaiah 44; 13-20, hed owapi.

Nix niye kin wakagapi wanj tukted
yahnaka he? Icin, Oekde kin qa Wo-
ahope kin hena nupin ed heca takuna
duha kte xni eniciyapi e he sdodyaye do.
Heca takuna duhe xni tanyan sdodyaki-
ya kecanni, exa okinni ciqar a wanj tu-
kted niyukan naceca. Ito owade kta
iyowinmakiya ye; okinni iyewayin kta.
Eya, sicanopiye nitawa kin ed owade exa
etanhan toka kte xni, qeyax opiye toke-
ca wanj niyukan qa hed yanka naceca.
Wakantanka he ed taku hiyeye cin owa-
sin rcin tanye rcin abdeza. Nicante kin

he e he? Ho. Okini wakagapi wanj
waxteidapi eciyapi kin, he hed un na-
ceca; he obinni taku qeyax etanhan iyo-
tan tanka qa iyotan waxte kin he iye
yuha kta cin ece. Nakun wakagapi
wanji witantanpi eciyapi kin, iyeunyan-
pi kta seca, hayapi waxtexte qaix ite
owanyag waxte tawa kin iwinkta ece kin
hee. Qa okinni nakun wakagapi wan-
tanka, iyokipiciyapi eciyapi, hed un na-
ceca; Wakantanka qaix niyate qa nihun
teniridapi kin hena iyokipipi xni exa ta-
komni niye toked iyoniciipi kin eced
ecanon kta yacin rce cin he hee. Wa-
kagapi unkitawapi kin hena takuke ce-
pewicunyanpi kta e Wakantanka ounki-
yax unkicantepi kin etanhan reyab er-
yapi kta iceunkiyapi kta iyececa, icin
tohanyan wakagapi kin hed ounyanpi
kinhan Wakantanka Iye unkicipi un
kta okihi xni kin heon etanhan.
Taku on hececa kin, he tokata Anpe-
tu-wakan ehand ociciyakapi kta.

WOONSPE XIV.

WOONSPE WICOIE—WOOHODA.

Oekde.—“Itancan Wakantanka nita-
wa kin he ohoyada kta, qa ixnana wowi-
dagniyin kta.” Matt. 4:10.

W. Woahope inonpa onxpa inonpa
kin eya wo.

A. Wakantanka nitawa, Itancan kin
he Miye, Wakantanka winawizi kin he-
maca, qa tona xicemadapi kin atewica-
yapi wartanipi kin, iye cincapi kin ekta
awicawai ece, wicoicage yamni qa topa
hehanyan; qa tona waxtemadakapi qa
mitawoahope yuhapi kin, hena kektopa-
winge ota ed wowaonxida bduatanin.

W. Wakantanka winawizi eyapi kin
heon toked kapi he?

A. Iye kin oxtan, taku tokeca waxte-
undakapi qa ohoundapi kinhan ixihda.

W. Wakantanka heced winawizi kta
he hecetu he?

A. Ho, icin Iye unkagapi, qa taku
qeyax Iye hena owasin ecaunkiciconpi.

W. Wakantanka tona woahope tawa
kicaksapi kin, hena toked ecawicakicon
kta he?

A. Kakixwicayin kta.

W. He on nakun toktokeca icakixya-
pi kta he?

A. Ho, iye cincapi qa takojakpakupi
kin.

W. Wowaonxida eyapi kin he on
toked kapi he?

A. Wacantkiyapi naix waonxidapi.

W. Wakantanka wowaonxida wica-
kiyutanin kte cin hena tuwepi he?

A. Tona Iye ixnana waxtedakapi, qa
wawokiya xkanpi kin.



Miniruha kinyankiyapi nina waxte
wanji nicicaga, unkan hoxkina tanka
wan he kohan nici qa iye tawa se yuha
xkata ehantanhanx, uina icantenixicin
kte xni he? Wicincana kin dena wanj
wowapi-iwapetokeca icicaga hantanx,
uncan wicincana tokeca he iye yuha kta
icu kinhan, he hecetu kta he? Niyate
iye oti kta e tipi waxte icicaga unkan
wicaxa tokeca he wouyuha tawa kduha
ikdaka ed ahi qa oxtan ed ounyan
kinhan, iyokipi kta he? Hiya, ecaca
iyokipi kte xni. Tipi wan niyate icicage
cin he iye tawa, qa miniruha kinyanki-
yapi qaix wowapi-iwapetokeca qon hena
hoxkina qa wicincana hena kagapi qon
iye tawapi.

Ho, unkan ito, nix niye kinhan, tan-
can wowinibanyan kagapi nitawa kin
koya, tuwe nicaga he? Ninape on taku
oduspa qa anin kta oyakihi kin, nishiha

dus inyan kin kta okihi kin hena, niixta
wiyakpakpa qa ninoge wanaron kta
oranko kin, qa hena owasin isanpa cuwi
mahed nicante wacantkiya qa waihakte-
sa kin, nitawacin bdiheca qa taku ota
onspe kta okihi kin, qa ninagi Wakan-
tanka ohoda kta okihi, qa nitancan kin
ataya He wawokiya xkankiyin kta na-
kun okihi kin hena tuwe kaga he? Wa-
kantanka Iye hena owasin kaga, icin
Wakantanka nicaga dakax, qa Iye ta-
waniyan.

Wowaxtedake nitawa qa wawokiye
yaxkan kin tuwena hena Iye ki kta iye-
cetu xni, nakun nix niye exa niyecinka
hecanon kinhan he woartani. Satan
(wakanxica) iye hecon kta kuwa, tka he
anayagoptan kta iyececa xni, icin Wa-
kantanka winawizi, qa wakagapi hekta
Anpetu-wakan on ociciyake ciquon hece-
ca qaix taku tokeca Iye oxtan wxteyada-
ka qa wawokiye yaxkan kinhan iyokipi
xni.

Tacanrpi-Maza Oyanke Etanhan.

ANPAO KIN: Ito, mitakola, lehanl wo-
wapi wanj on wayaotanin cixi kta wa-
cin, wana tehan inila waun. Blokehan
Kutawicaxa tipi el omniciye tanka econ-
qunpi qon he iyohakab ciyewaye cin,
Rev. E Ashley, Canpa wakapla el tipi-
wakan kin he awanyag maxi ca Calvary
Chapel, Swift Bird wicoti el, awamblake
con he erpeya inawajin na Aug. 13, 1895,
kin hehanl Canpa wakpala ekta iglaka
wai, na bel oyate unpi kin ob waxkan.
Taku iyuha anyan omakiyapi canke ki-
tanla tanyan waun. Ho, hecetu.

Hehan taku tokeca cajebatin kte lo.
Hel Winyan Omniciye unpi kin, Dec. 19,
1895, hehanl apiiciyapi, na ataya wicaca-
je 55 henakecapi. Ho, hehan ake wana
Christmas el unhipi qonhan Winyan
Omniciye kin iye tipi-wakan el rante
wanji eglepi, na ayucoya wotkekiyapi
oiyokipiya econpi. Hehan ciye Mr.
Ashley, wawicaguqi koka wanj on
ounkiyapi, ca he ix rante wanj tokeca
el nakun eunglepi. Hehan hoxxicala
terilapi wanj te cin on wawicakuqiya
kta ca rante wanj tokeca ekiciglepi ca
tipi-wakan kin tima rante kin yamni
eunglepi, canke taku otkeyapi kin oiyo-
kipiya ocikan xni. Ho, he etanhan win-
yan wanj wicoran tanka econ, Mary
Wipte-san hee, he John Tacanrpi-maza
tawicu, wawicagu kin tankinkinyan
econ. Hehan wiwazica onxika wanj
nakun wicoran econ: Luke Kulhiyuici-
ya tawicu, he koxka Helper heca tka te

cin, he tawicu kin he e AN-
PAO KIN kaxpapi 45 cents
yuxpikiye lo. Ho, hecetu;
na eya el wicaxa winyan ko
woglakapi. Dec. 24, rtaye-
tu 6 ape cin, hehan wana ti-
pi ojula iyotanka na miye
tokeya Luke 2 kin he etan-
han iwahokonwicawakiya.
Hehanl sunkawaye cin,
Chas. Xunkhinto nakun he
on iwahokonwicakiya.
John Tacanrpi maza ix he
hanhepi kin taku owe he
unyankapi kin he cajeyatin
na rante kin hena toka ca
hecel glepi na el wakxupi
kin he cajeyata. Yunkan
rante Jesus Christ iyacin, na el taku
otke cin hena ix Wotanin Waxte kin
oiye kin ee keya. Hecel wakanyeya wa-
wicaguqi iyuxkinpi kin he iyecece Wot-
tanin Waxte unqupi kin le unkiyuxkinpi
nin, eya. Hehanl Daniel Tarca Sapa ix
ti tahepiya rante canglexka eya otke
yunkan he ix acajeyata; tuwe owotanla
mani kin he wanj ohiciya okihi keya.
Eya, iyapi ota eyapi tka hena iyuha
owawa owakihi xni. Ho, ito, henala
epin kte lo.

STEPHEN TOGOLE.

Porcupine Tail Creek Etanhan.

ANPAO KIN: Mitakola, tuweni wowa-
pi cicu xni tka, ito, lehanl taku waxte
ociciyakin kte lo; eya oterika, tka ake
waxte ye lo.

Porcupine Tail creek el Koxkalaka
Itancan kin heca wan cinca hoxkila

wanjila rei yuhapi, yunkan Jan. 13, rta-
yetu, ehanl te lo. Hoxkila kin lecel eci-
yapi, William Owicakiyela. Atkuku
kin Rlola Tokeya-ihunni eciyape lo. Ho,
yunkan hanhepi tahena Koxkalaka Om-
niciye kin iyakiju mniciyapi, na el Wo-
tanin Waxte yawapi, nakun olowan wan-
jila oegle topa ahiyayapi, na wicaxa ake-
topa woglakapi, na winyan topa wogla-
kapi. Iho, he anpetu kin Jesus tonpi
anpetu kin hee selececa wicaxa iyuha
wiyukcanpi waxte kin iyuha cuwi oju-
pila; qeyax, icin, hoxkila kin lila waxte,
ite na oran kin, na taku yuha kin iyuha
waxtexte, xunkawakan, hayapi, na tipi
canwaqin ataya waxte. Waniyetu ake-
yamni, tka ocaxtonlake hoxkila, tka icin,
atkuku kin wicaxa waxte kin heca. Tu-
wa wanyaka canna ira na nakun “Ho”
eye sa; canke ataya cante unxicapi.
Tka, ake, canteunwaxtepi; icin, Waxi-
cun okiyapi ca oyunke waxte ogna rpaya
nakun acankaxkapi, nakun tipi wan ohi-
ye selececa, wanagi-makoce icunkiyapi
mazacunkaxke qupi. Iho, atkuku kin
heya; Micinkxi ecela ye lo, ca oye kin
ogna mnin kte lo, eya. Xunka-wakan
wikcemna nonpa seca henapila.

Iho, mitakuyepi, le anpetu kin wiyu-
kcanpi waxtexte iyeunyanpi ca he ocici-
yakape lo. Omniciye wicaxa iyuha
cantewaxteya napecigluzape lo. Nita-
kolapi wanj he miye ye lo.

WILLIAM.

Pine Ridge Agency, Jan. 23, 1896.

Christmas Woecon.

St. Thomas, Can Akanl oyanke.

FOREST CITY AGENCY, S. D.

ANPAO KIN: Ho, mitakola, Christ-
mas woecon kin on wowapi cicu kte lo.
Lena wowitan kin heca xni, tka awica-
kehan wacinyanpi kin on wowiyuxkin
tanka econpi. Tokaheya yuwitaya wo-
cekiye econpi; Xina Sapa na Eyanpaha-
wakanpi kin, yunkan wicaxa na winyan,
wakanyeya ko ataya 196 hipi. Hehan
wicaxa, winyan ko Christ tokel tonpi,
na Wowapi Wakan etanhanhan on wo-
glakapi, na tantanyan yerci wahokonki-
ciyapi, na hehan wotapi. Hehan rante
wan eglepi, na woxpipi, na wicaxa ahi
qon hena tokel cantewaxteya glapi kte
con he ogna taku waxtexte on napewi-
cayuzapi. Tka iyotan Ituhuoju Ciqala
wakpala el Tipi-wakan wan he cin he-
tan wicaxa, winyan, wakanyeya ko 30
hipi canke xunkawakan 4, ptehincala
hena 5 on napewicayuzapi. Hehan St.
John Church etanhan Martin Charger
kicopi, hecel hi, hecel xunkawakan wan
on napeyuzapi. Hehan Ascension
Chapel el winorecala wan Milakawega
eciyaqi ca cincala wan on napeyuzapi.
Hehan Emmanuel Chapel winyan wan
Mary Bruyer eciyapi he xunkawakan
wan on napeyuzapi; hehan ake he oyan-
ke kin el wicincala wan Lucy Tasagye-
giwin eciyapi ca ptehincala wan on na-
peyuzapi na xunkawakan wan Christ-
mas wotapi kte cin heon eglepi hecel
mazaska on iyoepayapi. Hecel ataya
xunkawakan kin 8 on wanapeyuzapi,
hehan ix ptewaniyanpi kin 5 henakecapi
tka lehanl Ateyapi wan waxte unyuhapi,
Peter Couchman hee, hecel ptewaniyan-
pi wan Christmas wotapi kte cin he on
ounkiyapi. Hehan mazaska kin lena-
keca on woyute opetonpi, \$56.49; na win-
yan 4 wohanpi kta wicayuxtanpi, yun-
kan 2 tokel okihi waxyanyanpi econpi
lena epi hena wohan itancanpi, Clara
Tokeyamaniwin, na Jessie Tacannonpe-
wakitawin. Ho, yunkan aguyapi taca-
gu kin 235, taspan opemni kin 167,
aguyapi skuskuya kin 119, ho henakeca
xpanyanpi hehan kokoyaranla kin 8,
taspan koka kin 4, hehan wicaxa 2 wo-
yute awanyaka itancan wicayuxtanpi, 1
Robert Snainyanke, 2 Adam Rupahuska.
Ho, hecel lila xkanpi, tka unma lila awi-
cakehan, tawicu kici, wiyuxkinyan xkan-
pi, na Clara Tokeyamaniwin, Robert
Snainyanke henayozapi hecel xunkawa-
kan z, ptehincala l hena cinca na tahan-
ku on wanapeyuswicakiyapi. Ho, na-
kun Tunkanxila 2 wicayuhapi, hena
okolakiciye tanyan xkanwicakiyapi,
Stephen Canteptanyan, Abraham Toke-
yakte henayozapi. Ho, mitakolapi tona
ANPAO KIN iyacupi oyasina, cantewaxte-
ya napeciyuzape lo. LOUIS EGNA.